



Biblia para kadagiti Ubbing iparangna

Idi Pinarsua ti Dios Dagiti Amin a Banag



Sinurat ni: Edward Hughes
Inladawan ni: Byron Unger; Lazarus

Inpatarus ni: Christian Lingua
Inadaptar ni: Bob Davies; Tammy S.


Istoria 1 ti 60

www.M1914.org

Bible for Children, PO Box 3, Winnipeg, MB R3C 2G1 Canada
Lisensia: Adda karbengam a magkopia wenno mangiprinta iti
daytoy nga istoria basta saan mo nga ilako daytoy.

Ilocano

Sino ti nangparsua kadaytoy? Ibaga ti Biblia,
Sao ti Dios, nu kasano a nangrugi ti sangkataoan.
Nabayagen ti napalabas, pinarsua ti Dios ti kaunaan
a tao ken pinanagananna daytoy iti Adan.




1

Inaramid ti Dios ni Adan manipud iti tapuk
ti daga. Idi ti biag ket inyanges ti Dios ken ni
Adan, naaddaan daytoy iti biag. Nasarakanna nga
adda isuna iti maysa a napintas nga
hardin a maaw-awagan iti Eden.



2


Sakbay a pinarsua ti Dios ni Adan, nangaramid Isuna iti napintas a lubong a napno kadagiti napipintas a banag.



Saggaysa ang inaramid ti Dios dagiti katurturodan ken karuruotan, dagiti nabanglo a sabsabong ken dadakkel a kayo, dagiti nararaniag ti dutdotna a bilbillit ken dagiti ayukan, dagiti dadakkel a pating ken nagagalis a biruruko. Kinapudnona,




Idi punganay, sakbay a nagaramid ti Dios iti animan a banag, awan ti animan malaksid ti Dios. Awan tattao wenno luglugar wenno bambanag. Awan. Awan ti lawag ken sipngget. Awan ti nangato ken nababa. Awan to kalman ken kabigatan. Ti Dios laeng nga awan rugina ti adda idi. Idi kuan nagtignay ti Dios! Idi punganay ti Dios pinarsuana dagiti langlangit ken ti daga.




Ket ti daga adda idi a gosogoso ken awan nagan. Ket ti sipngget adda idi iti rabaw ti yuyeng. Ket nagsao ti Dios "Adda koma lawag."



Ket nagadda ti lawag. Ket ninagan ti Dios ti lawag nga Aldaw, ket ti sipngget ninagananna iti Rabii. Ket limmabas ti malem ken ti bigat, ti umuna nga aldaw.



Iti maikadua nga aldaw, inurnos ti Dios dagiti dandanum dagiti taaw, baybay ken danaw iti sirok ti Langit. Iti maikatlo nga aldaw, kinuna ti Dios, "Agparang koma ti namaga a daga." Ket napasamak daytoy.



Inbilin met ti Dios nga agtubo dagiti ruot ken sabong dagiti babassit ken dadakkel a kaykayo. Ket immadda dagitoy. Ket limmabas ti malem ken ti bigat, ti maikatlo nga aldaw.




9

Kalpasanna inaramid ti Dios ti init, ti bulan ken dagiti adu a bituen nga awan ti makabilang. Ket limmabas ti malem ken ti bigat, ti maikapat nga aldaw.




10

Dagiti parsua iti baybay ken dagiti ikan ken bilbillit ti simmaruno iti listaan ti Dios. Idi maikalima nga aldaw inaramidna dagiti dadakkel ken babassit nga ikan, dagiti atiddug ti sakana nga ostrich ken napipintas ti unina nga billit.




11

Binendisionan ti Dios dagiti tunggal kita ti ikan tapno punoenda dagiti dandanum ti daga ken dagiti tunggal kita ti billit tapno ragsakenda ti daga ken baybay ken tangatang. Ket limmabas ti malem ken ti bigat, ti maikalima nga aldaw.



12

Kalpasanna, nagsao manen ti Dios. Kinunana, "Patauden koma ti daga dagiti sibibiag a parsua ..." Napaadda dagiti tunggal kita ti animal ken insekto ken reptilia. Napaadda dagiti makagunggon iti daga nga elepante ken dagiti nagaget a babera. Dagiti managay-ayam nga unggoy ken nainayad a buaya. Dagiti naalikuteg nga igges ken dagiti kuneho. Dagiti natatayag nga dyirapi ken nabarbon a pusa. Inaramid ti Dios dagiti amin a kita ti animal iti dayta nga aldaw. Ket limmabas ti malem ken ti bigat, ti maikanem nga aldaw.




13

Adda inaramid pay ti Dios iti maikanem nga aldaw - maysa a naidumduma a banag. Nakasaganan amin a bambanag para iti tao. Addan taraon kadagiti katalatalonan ken animal nga agserbi kenkuana. Ket kinuna ti Dios, "Aramidentayo ti tao A kaladawantayo. Agbalin isuna a mangituray kadagiti amin a banag iti daga." ISU A PINARSUA TI DIOS TI TAO A KALADAWANNA; ITI LADAWAN TI DIOS PINARSUANA ISUNA ...




14

Nagsao ti Dios ken ni Adan. "Kanem ti kayatmo manipud iti minuyungan. Ngem saanka a mangan manipud iti kayo ti pannakaammo iti naimbag ken dakes. Nu manganka manipud iti dayta a kayo awan duadua a mataykanto."



15

Ket kinuna ti APO a Dios, "Saan a nasayaat nga agmaymaysa ti tao. Agaramidak iti katulonganna." Inyeg ti Dios dagiti amin a billit ken animal ken ni Adan. Pinanaganan ni Adan amin dagitoy. Awan duadua a nasirib isuna ta naaramidna daytoy. Ngem kadagiti amin nga billit ken animal awan ti tumutop a maipares para ken ni Adan.



16

Pinaturog ti Dios ni Adan iti nauneg. Inikkatna ti maysa a paragpag manipud iti nakaturog a tao, ket binukel ti Dios ti Babai manipud iti paragpag ni Adan. Naan-anay ti babai nga inaramid ti Dios kas katulongan para ken ni Adan.



17

Inaramid amin ti Dios iti las-ud ti innem nga aldaw. Kalpasanna binendisionan ti Dios ti maikapito nga aldaw ken inaramidna daytoy kas aldaw ti panaginana. Idiy minuyungan ti Eden, addaan iti naan-anay a kinarag-o ni Adan ken ni Eba nga asawana iti panagtulnogda iti Dios. Ti Dios ti APO, Tagaipaaayda ken Gayyemda.



18

Idi Pinarsua ti Dios Dagiti Amin a Banag
Ti istoria manipud iti Sao ti Dios, ti Biblia
ket masarakan iti
Genesis 1 - 2

"Mangted iti lawag ti iseserrek ti saom."
Salmo 119:130

Ammo ti Dios a nakaaramiddayo kadagiti dakes a bambanag, nga aw-awaganna iti basol. i dusa ti basol ket patay.

Ay-ayatennatayo unay ti Dios ta imbaonna ti Anakna, a ni Jesus, tapno matay idiy Krus ken bayadanna ti dusatayo. Nagungar ni Jesus ken nagsubli idiy Langit! Mabalinen a pakawanen ita ti Dios dagiti basoltayo.

Nu kayatmo a tallikudan dagiti basbasolmo, ibagam daytoy iti Dios: Apo Dios, mamatiak a natay ni Jesus para kaniak ket sibibiag manen ita. Umayka kadi iti biagko ken pakawanem dagiti basolko, tapno maaddaanak iti baro a biag, ken kalpasanna ket makikaaddaak Kenka iti agnanayon. Tulungannak nga agbiag para Kenka kas anakmo. Amen. Juan 3:16

Basaem ti Biblia ken makisaritaka iti Dios iti tunggal aldaw!